



Број: 01/5-50-3-5-28/14

Сарајево, 16. 1. 2014. године

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2013. GODINI**

Sarajevo, januar 2014. godine

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07, 87/09 i 28/12), Komisija za saobraćaj i komunikacije Predstavničkog doma Parlamentarne skupštine Bosne i Hercegovine, na 28. sjednici, održanoj 16.1.2014. godine, usvojila je

Izveštaj o radu Komisije za saobraćaj i komunikacije Predstavničkog doma u 2013. godini

Uvodne napomene

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 45. Poslovnika Predstavničkog doma prema kojem Komisija razmatra pitanja koja se odnose na: putne isprave, boravak i kretanje stranaca, odnose s Interpolom, uspostavu i funkcioniranje zajedničkih i međunarodnih komunikacija, reguliranje međuentitetskog saobraćaja, kontrolu zračnog saobraćaja, kontrolu frekvencija i druga pitanja iz oblasti saobraćaja i komunikacija.

Predsjedavajući Komisije je Petar Kunić, prvi zamjenik predsjedavajućeg je Mirza Kušljugić, a drugi zamjenik je Božo Ljubić. Ostali članovi Komisije su: Borislav Bojić, Saša Bursać, Anto Domazet, Zijad Jagodić, Šemsudin Mehmedović i Nermin Purić.

Predstavnički dom je na 46. sjednici, održanoj 28.3.2013., imenovao Nermina Purića za novog člana Komisije, umjesto Ismete Dervoz.

Sekretar Komisije je Ahmed Jalovičić.

Komisija je aktivnosti zasnivala na Planu rada Komisije za 2013. godinu, te obavljala poslove iz svoje nadležnosti u skladu s procedurama utvrđenim Poslovníkom Predstavničkog doma.

POGLAVLJE I. SJEDNICE KOMISIJE

Odjeljak A. Statistički podaci o sjednicama

U izvještajnom periodu Komisija je održala devet sjednica, s ukupno 32 tačke dnevnog reda, u okviru kojih je usvojila 13 zaključaka.

Na 20. sjednici Komisije, održanoj 24.1.2013., usvojeni su Izvještaj o radu Komisije za 2012. godinu, kao i Plan rada Komisije za 2013. godinu.

Osim zakonodavnih aktivnosti, potrebno je istaknuti razmatranje informacija, izvještaja i drugih akata iz nadležnosti Komisije, kao i aktivnosti koje je Komisija sama inicirala.

Prosjeak prisustva članova Komisije njenim sjednicama je 78 %, koje su u prosjeku trajale 63 minute.

Odjeljak B. Zakonodavne aktivnosti

Komisija je u 2013. godini razmatrala jedan prijedlog zakona, i to:

- Prijedlog zakona o dopuni Zakona o poštama Bosne i Hercegovine, predlagači: poslanici Mladen Bosić, Aleksandra Pandurević, Darko Babalj, Borislav Bojić i Vesna Krstović-Spremo

Nakon rasprave na 19. sjednici Komisije, Mladen Bosić, u ime predlagača zakona Kluba poslanika SDS-a, odlučio je da se Prijedlog zakona o dopuni Zakona o poštama Bosne i Hercegovine povuče iz parlamentarne procedure.

Odjeljak C. Izvještaji o radu

U izvještajnom periodu Komisija je razmatrala izvještaje o aktivnostima institucija Bosne i Hercegovine za koje je nadležna komisija, i to:

1. Izvještaj o radu i finansijski izvještaj Agencije za poštanski saobraćaj BiH za 2012. godinu;
2. Izvještaj o radu Državne regulatorne komisije za električnu energiju za 2012. godinu;
3. Izvještaj o radu Vijeća ministara BiH za 2012. godinu, u dijelu koji se odnosi na aktivnosti iz djelokruga Ministarstva komunikacija i prometa BiH i Regulatorne agencije za komunikacije BiH;
4. Izvještaj o radu i poslovanju BHRT-a za 2012. godinu, Finansijski plan i planove programa za 2013. godinu.

Odjeljak D. Imenovanja

U izvještajnom periodu Komisija je razmatrala prijedlog rang-liste kandidata za člana Upravnog odbora Javnog radiotelevizijskog servisa Bosne i Hercegovine iz reda ostalih - Predstavnički dom na 43. sjednici, održanoj 28.2.2013., i Dom naroda na 28. sjednici, održanoj 16.4.2013., imenovali su Sanju Latinović za članicu Upravnog odbora Javnog radiotelevizijskog servisa BiH iz reda ostalih, što je objavljeno u "Službenom glasniku BiH", broj 32/13.

POGLAVLJE II. OSTALE AKTIVNOSTI KOMISIJE

Odjeljak A. Aktivnosti vezane za razmatranje i usvajanje ostalih akata

1. Razmatranje produženja mandata članu Upravnog odbora Javnog radiotelevizijskog servisa Bosne i Hercegovine iz reda ostalih;
2. Razmatranje inicijative poslanika Zijada Jagodića, koja glasi: „Podnosim inicijativu Predstavničkom domu Parlamentarne skupštine BiH kojom bi se građanima Bosne i Hercegovine omogućilo da u cijelosti prate sjednice Predstavničkog doma Parlamentarne skupštine BiH putem državnog RTV emitera, počev od 1. 3. 2013.“;
3. Razmatranje Informacije Ministarstva komunikacija i prometa BiH o dosadašnjoj realizaciji Projekta digitalizacije javnih RTV servisa Bosne i Hercegovine i narednim aktivnostima u tom procesu;
4. Razmatranje Informacije Ministarstva komunikacija i prometa BiH o „Izradi i uspostavljanju okvira interoperabilnosti i standarda za razmjenu podataka Bosne i Hercegovine“;
5. Razmatranje Informacije Ministarstva komunikacija i prometa BiH o uspostavljanju i radu Vijeća za sigurnost saobraćaja na putevima u Bosni i Hercegovini;
6. Razmatranje Prijedloga rezolucije o uspostavi e-uprave, predlaže: poslanik Mladen Ivanković Lijanović,
7. Analiza stanja tržišta poštanskih usluga u Bosni i Hercegovini;
8. Razmatranje dopisa Radiotelevizije BiH u vezi s poslovnom i programskom egzistencijom tri javna emitera u Bosni i Hercegovini;
9. Izvještaj o radu Komisije za saobraćaj i komunikacije Predstavničkog doma u 2012. godini;
10. Orijentacioni radni plan Komisije za saobraćaj i komunikacije Predstavničkog doma za 2013. godinu.

Odjeljak B. Međunarodna saradnja, seminari, konferencije i radni sastanci

Članovi Komisije: Ismeta Dervoz, Anto Domazet i Šemsudin Mehmedović učestvovali su na parlamentarnom seminaru o "Energetskoj politici EU i njenom uticaju na pretpristupne zemlje", koji je 21. 2. 2013. održan u Briselu.

Članovi Komisije: Anto Domazet, Zijad Jagodić, Šemsudin Mehmedović, Mirza Kušljugić i Borislav Bojić učestvovali su na parlamentarnom forumu o temi: „Međunarodna saradnja za energetske revoluciju“, koji je, u organizaciji Klimatskog parlamenta, 7. i 8. 3. 2013. održan u Briselu.

Član Komisije Zijad Jagodić učestvovao je na konferenciji o temi: „Transparentnost medijskog vlasništva u demokratskim društvima-prilagođavanje medijskog zakonodavstva BiH tim vrijednostima“, koja je, u organizaciji Udruženja BH novinara i uz podršku Vijeća Evrope, održana u Neumu, od 27. do 29.5.2013.

Član Komisije Anto Domazet učestvovao je na konferenciji o temi: „Uloga javnih servisa u Bosni i Hercegovini u prevenciji i smanjivanju govora mržnje u javnom prostoru“, koja je, u organizaciji Udruženja BH novinara i uz podršku Vijeća Evrope, održana na Jahorini, 28. i 29.6.2013.

Odjeljak C. Saradnja s drugim institucijama i organizacijama

Komisija je imala kontinuiranu saradnju s Vijećem ministara BiH i resornim Ministarstvom komunikacija i prometa BiH, pa su tako sjednicama prisustvovali njihovi predstavnici, koji su učestvovali u raspravama o zakonu i aktima koje je Komisija razmatrala.

Također je ostvarena i dobra saradnja s Vanjskotrgovinskom komorom BiH, čiji su predstavnici prisustvovali sjednicama Komisije.

Odjeljak D. Opća procjena

Može se konstatirati da je Komisija u 2013. godini radila uspješno i da su svi materijali iz njene nadležnosti blagovremeno razmatrani.

U domenu zakonodavnih aktivnosti Komisija nije realizirala postavljene zadatke utvrđene Planom rada Komisije. Naime, Komisija je Plan rada za 2013. godinu bazirala na Programu rada Vijeća ministara BiH za 2013. godinu, kojim je planirano da se u parlamentarnu proceduru uputi deset prijedloga zakona iz nadležnosti Komisije. Međutim, Vijeće ministara je tokom 2013. godine Predstavničkom domu dostavilo dva prijedloga zakona iz nadležnosti Komisije, i to: Prijedlog zakona o izmjenama i dopunama Zakona o putnim ispravama Bosne i Hercegovine i Prijedlog zakona o izmjenama Zakona o osnivanju Kompanije za prijenos električne energije u Bosni i Hercegovini, koja su razmatrana po hitnom postupku.

Komisija je nastojala kontinuirano djelovati na poboljšanju stanja u oblastima za koje je nadležna i stoga je predlagala određene zaključke, kojima se od Vijeća ministara BiH i Ministarstva komunikacija i prometa BiH tražilo preduzimanje odgovarajućih aktivnosti s ciljem unapređenja stanja u sektoru saobraćaja i komunikacija.

PRILOG

1. Tabela 1. Pregled sjednica Komisije s tačkama dnevnog reda.

PREDSJEDAVAJUĆI KOMISIJE
dr. Petar Kunić

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
19. sjednica 3.1.2013.	Dvije (2)	89
20. sjednica 24.1.2013.	Četiri (4)	56
21. sjednica 12.2.2013.	Tri (3)	78
22. sjednica 26.2.2013.	Tri (3)	89
23. sjednica 26.3.2013.	Pet (5)	78
24. sjednica 17.4.2013.	Tri (3)	89
25. sjednica 21.5.2013.	Tri (3)	78
26. sjednica 17.7.2013.	Pet (5)	56
27. sjednica 14.11.i 4.12.2013.	Četiri (4)	84
Ukupan broj sjednica: Devet (9)	Ukupan broj razmatranih tačaka: 32	Prosječno prisustvo sjednicama (%): 78